

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 181. sjednici održanoj dana 25.03.2019. godine, d o n o s i

ZAKLJUČAK

I.

Usvaja se Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za 2018. godinu i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/19
Datum, 25.03.2019. godine
Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x a/a.



IZVJEŠTAJ O NAMJENSKOJ POTROŠNJI SREDSTAVA U MINISTARSTVU ZA RAD, SOCIJALNU POLITIKU I IZBJEGLICE ZA 2018. GODINU

U skladu sa Programom utroška sredstava planiranih Budžetom Zeničko-dobojskog kantona za 2018. godinu u Ministarstvu za rad, socijalnu politiku i izbjeglice, broj: 02-14-3073/18 od 22.02.2018. godine i izmjenama Programa utroška sredstava, broj: 02-14-11047/18 od 05.07.2018. godine, broj: 02-14-14471/18 od 24.09.2018. godine, broj: 02-14-14611/18 od 26.09.2018. godine i broj: 02-14-18576/18 od 26.12.2018. godine, na pozicijama "Tekući transferi pojedincima" - ekonomski kod 614200 i "Tekući transferi neprofitnim organizacijama" - ekonomski kod 614300 planirana su sredstva u iznosu od 27.290.980 KM.

Pregled namjenskog utroška sredstava u Ministarstvu za rad, socijalnu politiku i izbjeglice, za 2018. godinu, u dijelu koji se odnosi na pozicije: "Tekući transferi pojedincima" i "Tekući transfer neprofitnim organizacijama" dat je u Tabeli br. 1.

Tabela br.1.

Ekonomski kod i subanalitika	Naziv pozicije budžeta	Budžet za 2018. god.	Izvršenje Budžeta jan - dec 2018.	%
1	2	3	4	5
614200	I Tekući transferi pojedincima	27.183.680,00	27.554.228,34	101,36
KAD 201	Izdaci za raseljena lica	87.000,00	93.011,84	106,91
KAD 202	Sredstva za podsticaj povratka izbjeglih i raseljenih lica	489.000,00	759.370,05	155,29
KAD 203	Civilne žrtve rata	3.182.100,00	3.032.369,77	95,29
KAD 204	Smještaj u drugu porodicu	419.000,00	291.713,35	69,62
KAD 205	Naknada za porodijsko odsustvo	9.250.000,00	10.549.237,26	114,05
KAD 206	Zdravstvena zaštita neosiguranih lica	135.000,00	135.000,00	100,00
KAD 207	Ostali socijalni transferi	1.200.000,00	1.054.066,81	87,84
KAD 208	Transferi za alternativni smještaj	82.000,00	61.460,00	74,95
KAD 209	Transfer za osobe sa invaliditetom	55.000,00	41.385,61	75,25
KAD 210	Transfer za Ekonomsko socijalno vijeće i Mirovno vijeće	50.000,00	30.408,09	60,82
KAD 211	Novčana pomoć za nezaposlene porodilje	115.000,00	72.150,00	62,74
KAD 213	Smještaj u ustanove socijalne zaštite	4.604.000,00	5.006.490,35	108,74
KAD 214	Centar za djecu i odrasle osobe s posebnim potrebama Zeničko-dobojskog kantona	996.000,00	1.096.000,00	110,04
KAD 215	Stalna novčana pomoć	1.150.000,00	1.266.984,44	110,17
KAD 216	Osposobljavanje za život i rad	116.000,00	111.166,43	95,83
KAD 217	Dodatak na djecu	4.000.000,00	3.378.000,72	84,45
KAD 218	Jednokratna pomoć za opremu novorođenog djeteta	83.580,00	53.020,95	63,44
KAD 219	Pomoć u prehrani djeteta do 6 mjeseci i dodatna ishrana za majke - dojilje	360.000,00	236.048,40	65,57

KAD 220	Transfer za zapošljavanje	675.000,00	181.344,27	26,87
KAD 221	Poticaji zapošljavanja mladih	135.000,00	105.000,00	77,78
614300	II Tekući transferi neprofitnim organizacijama	107.300,00	105.300,00	98,14
KAX 002	Transferi udruženjima	70.300,00	70.300,00	100,00
	Tekući transfer za Crveni križ	10.000,00	10.000,00	100,00
KAX 003	Transferi iz prihoda za Dječiju nedjelju	27.000,00	25.000,00	92,59
	UKUPNO: I+II	27.290.980,00	27.659.528,34	101,35

1. Izdaci za raseljena lica – KAD 201

Budžetom za 2018. godinu planirana su sredstva u iznosu od 87.000 KM za podmirenje osnovnih potreba raseljenih osoba i izbjeglica koje su smještene u objektima za smještaj raseljenih osoba koje se u bliskoj budućnosti ne mogu vratiti u svoje prijeratno prebivalište (stambeni objekti u naselju Radakovo i Crkvice u Zenici). Sa ovim sredstvima Ministarstvo je izvršavalo zakonske obaveze plaćanja sljedećih obaveza:

- Režijski troškovi (električna energija, grijanje, komunalne usluge, održavanje objekata) u ukupnom iznosu od 43.671,12 KM;
- Sahrane u iznosu 6.385,89 KM;
- Kućna njega u iznosu 35.000,04 KM;
- jednokratne pomoći za ukupno 33 raseljene osobe i povratnike (nabavka ogrjeva, liječenje) u iznosu 7.954,79 KM.

U izvještajnom periodu januar – decembar 2018. godine sa ove pozicije utrošena su sredstva u ukupnom iznosu od 93.011,84 KM.

2. Sredstva za podsticaj povratka raseljenih lica i izbjeglica – KAD 202

Budžetom za 2018. godinu planirana su sredstva u iznosu od 489.000 KM na poziciji Sredstva za podsticaj povratka raseljenih lica i izbjeglica. Ova sredstva su planirana za provođenje programskih aktivnosti Ministarstva usmjerenih u pravcima učešća Kantona u obezbjeđivanju osnovnih pretpostavki od neposrednog značaja za povratak raseljenih osoba i održivost povratka:

U izvještajnom periodu januar – decembar 2018. godine sa ove pozicije utrošena su sredstva u iznosu od 759.370,05 KM za provođenje mjera i aktivnosti intervenirajućeg karaktera od ukupnog značaja za podsticaj, odnosno održivost povratka.

Na osnovu Odluke ministra finansija o preraspodjeli sredstava u Budžetu Zeničko-dobojskog kantona za 2018. godinu, broj: 07-03-01/14-215-112-1/18 od 24.09.2018. godine i Zaključkom o izmjenama Programa utroška sredstava planiranih Budžetom Zeničko-dobojskog kantona za 2018. godinu, broj: 02-14-14611/18 od 26.09.2018. godine, sredstva na ovom transferu uvećana su za 300.000 KM, a umanjena na poziciji Naknada za porodijsko odsustvo - KAD 205.

3. Civilne žrtve rata – KAD 203

Za isplatu naknada civilnim žrtvama rata u Budžetu Zeničko-dobojskog kantona planirana su sredstva u iznosu 3.182.100 KM.

Finansiranje ovog prava je po modelu - 30% planiranih sredstava je iz Budžeta Zeničko-dobojskog kantona u iznosu od 881.500 KM i 70% planiranih sredstava je iz Budžeta Federacije BiH u iznosu od 2.300.600 KM.

U izvještajnom periodu januar – decembar 2018. godine za ovu namjenu utrošena su sredstva u iznosu od 3.032.369,77 KM i to iz Budžeta Kantona izdvojeno je 887.262,65 KM, a iz Budžeta Federacije BiH izdvojeno 2.145.396,95 KM. Finansirano je 807 civilnih žrtava rata koje ostvaruju naknade za 975 prava, tj. prava na: ličnu invalidninu, pravo na ortopedski dodatak, pravo na dodatak za tuđu njegu i pravo na porodičnu invalidninu.

4. Smještaj u drugu porodicu – KAD 204

Budžetom za 2018. godinu planirana su sredstva u iznosu od 419.000.

Na ovaj način obezbijeđena je socijalna zaštita, odnosno zbrinjavanje djece i odraslih lica kojima je potrebna stalna briga i pomoć radi zadovoljavanja njihovih životnih potreba, a što se ne može ostvariti u krugu vlastite porodice ili na drugi način.

Za smještaj u drugu porodicu u izvještajnom periodu januar - decembar 2018. godine utrošena su sredstva u iznosu od 291.713,35 KM, za isplatu naknada hraniteljima za 95 djece na smještaju.

5. Naknada za porodijsko odsustvo - KAD 205

U Budžetu za 2018. godinu za ovu namjenu planirana su sredstva u iznosu od 9.250.000 KM. Ovim sredstvima finansira se naknada plaće ženi majci u radnom odnosu kao i svi doprinosi i porezi u skladu sa Kantonalnim zakonom.

Za ovu namjenu u izvještajnom periodu utrošena su sredstva u iznosu od 10.549.237,26 KM, za isplatu naknada za 1.169 porodilje.

Odlukom Ministarstva finansija broj: 07-03-01/14-215-112-1/18 od 24.09.2018. godine i Zaključkom o izmjenama Programa utroška sredstava planiranih Budžetom Zeničko-dobojskog kantona za 2018. godinu, broj: 02-14-14611/18 od 26.09.2018. godine sredstva na ovoj poziciji su umanjena za 300.000 KM, a uvećana su na poziciji KAD 202 - Sredstva za podsticaj povratka raseljenih lica i izbjeglica.

6. Zdravstvena zaštita neosiguranih lica - KAD 206

Budžetom za 2018. godinu na ovoj poziciji planirana su sredstva u iznosu od 135.000 KM.

Za finansiranje zdravstvenog osiguranja lica koja nemaju zdravstveno osiguranje po nekom drugom osnovu u periodu januar - decembar 2018. godine utrošeno je 135.000 KM. za 4.555 korisnika.

7. Ostali socijalni transferi - KAD 207

Budžetom za 2018. godinu planirana su sredstva u iznosu od 1.200.000 KM - ekonomski kod 614200. Ova sredstva su namjenjena za provođenje interventnih mjera i aktivnosti socijalno-zaštitnog karaktera u oblastima iz nadležnosti i odgovornosti Ministarstva.

Za ovu namjenu u izvještajnom periodu januar - decembar 2018. godine utrošena su sredstva u iznosu od 1.054.066,81 KM, i to za:

Pomoć javnim humanitarnim kuhinjama	240.000,00 KM
Medica - Projekat „Sigurna kuća za žene i djecu – žrtve nasilja u porodici i zajednici za područje Zeničko-dobojskog kantona	54.720,00 KM
Plaćanje troškova medicinskog vještačenja Institutu za medicinsko vještačenje u postupku ostvarivanja prava iz oblasti civilnih žrtava rata	1.095,12 KM
Pomoć za plaćanje troškova stanovanja osobama koje su usljed prirodne nesreće izmještene iz svojih domova u ZDK	27.040,00 KM
Podrška u pokrivanju dijela troškova sahrana/dženaza	15.306,14 KM

U izvještajnom periodu od strane Ministarstva i Vlade urađeno je ukupno 406 zaključaka, kojima se odobrila jednokratna novčana pomoć socijalno-intervenirajućeg karaktera pojedincima i porodicama za pokrivanje troškova liječenja, ublažavanje teške materijalne situacije, nabavku ortopedskih pomagala i prevazilaženje drugih okolnosti stanja socijalne potrebe	182.822,55 KM
Finansiranje dodatnih interventnih mjera i aktivnosti socijalno-zaštitnog karaktera putem JU Centara za socijalni rad i nadležnih općinskih službi socijalne zaštite sa područja Zeničko-dobojskog kantona	165.100,00 KM
Pomoć JU CSR Breza kao podrška pri osiguravanju kvalitetnijih uslova za rad	2.134,00 KM
Sindikat metalaca FBiH - pomoć socijalno-intervenirajućeg karaktera za radnike "Željezare" Zenica	3.000,00 KM
Udruženje Kreativci Zenica	1.000,00 KM
Savez ratnih vojnih invalida paraplegičara, Sarajevo	1.500,00 KM
Bošnjačka zajednica kulture "Preporod" Žepče	1.000,00 KM
JU Centar za djecu i odrasle osobe s posebnim potrebama ZDK	30.099,00 KM
Udruženje Centar za majke "Utjeha" Zenica	500,00 KM
JU Centar za socijalni rad Žepče	5.000,00 KM
Udruženje Srce za djecu koja boluju od raka u FBiH	20.000,00 KM
MZ Ravna, općina Maglaj	6.000,00 KM
Naša riječ Zenica	1.500,00 KM
MZ Moševac Maglaj	7.200,00 KM
Udruženje zdrav život	2.000,00 KM
Razvojni program Ujedinjenih naroda - UNDP	50.000,00 KM
Muftijstvo zeničko	2.000,00 KM
Općina Zavidovići	100.000,00 KM
Udruženje žena oboljelih i liječenih od tumora dojki "Budućnost ZA" Zavidovići	550,00 KM
Sportski savez OSI	500,00 KM
Savez udruženja penzionera ZDK	105.000,00 KM
Općina Tešanj	5.000,00 KM
UG "Život" Zenica	500,00 KM
Savez cžr ZDK	3.000,00 KM
Koalicija organizacija OSI ZDK	1.500,00 KM
Zeleni polumjesec ZDK	2.000,00 KM
JU Centar za socijalni rad Vareš	5.000,00 KM
UG Invalidnih lica hroničnih bubrežnih bolesnika ZDK	1.200,00 KM
JU Centar za socijalni rad Olovo	8.800,00 KM

Udruženje oboljelih od multipleskleroze ZDK	1.000,00 KM
Udruženje djece i mladih oboljelih od šećerne bolesti u ZDK	1.000,00 KM
UKUPNO:	1.054.066,81 KM

Ukupna sredstva na poziciji Ostali socijalni transferi - KAD 207 umanjena su za 100.000,00 KM na osnovu Odluke Vlade broj: 02-14-18628/18 od 26.12.2018. godine i Zaključkom o izmjeni Programa utroška sredstava planiranih Budžetom Zeničko-dobojskog kantona za 2018. godinu broj: 02-14-18576/18 od 26.12.2018. godine. Istom Odlukom i Zaključkom su sredstva uvećana na poziciji JU Centar za djecu i odrasle osobe s posebnim potrebama Zeničko-dobojskog kantona - KAD 214.

8. Transfer za alternativni smještaj – KAD 208

Budžetom za 2018. godinu planirana su sredstva u iznosu od 82.000 KM za plaćanje stanarine raseljenim osobama sa priznatim pravom na privremeni smještaj.

U izvještajnom periodu januar - decembar 2018. godine utrošeno je 61.460,00 KM, za finansiranje alternativnog smještaja za 51 porodicu i 127 osoba.

9. Transfer za osobe sa invaliditetom – KAD 209

Budžetom za 2018. godinu planirana su sredstva u iznosu od 55.000 KM. Ova sredstva su namijenjena za refundaciju troškova pregleda kod Instituta za medicinsko vještačenje za osobe sa invaliditetom u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH, broj: 36/99, 54/04, 39/06, 14/09), kao i za finansiranje aktivnosti iz Strategije za izjednačavanje mogućnosti osoba s invaliditetom.

U toku izvještajnog perioda za refundaciju troškova pregleda za osobe sa invaliditetom utrošena su sredstva u iznosu od 41.385,61 KM za 377 korisnika.

10. Transfer za Ekonomsko socijalno vijeće i Mirovno vijeće – KAD 210

Budžetom za 2018. godinu planirana su sredstva u iznosu od 50.000 KM. Ova sredstva su namijenjena za finansiranje aktivnosti Ekonomsko-socijalnog vijeća i finansiranje naknade troškova člana Mirovnog vijeća izabranog sa liste članova Mirovnog vijeća.

U izvještajnom periodu januar - decembar 2018. godine za ovu namjenu utrošena su sredstva u iznosu od 30.408,09 KM, za isplatu naknada za održavanje ukupno osam sjednica Ekonomsko-socijalnog vijeća tokom 2018. godine.

11. Novčana pomoć za nezaposlene porodilje – KAD 211

Budžetom za 2018. godinu planirana su sredstva u iznosu od 115.000 KM. Ovim sredstvima finansira se jednokratna novčana pomoć ženi majci koja nije u radnom odnosu, po svakom novorođenčetu.

U izvještajnom periodu januar - decembar 2018. godine za ovu namjenu utrošena su sredstva u iznosu od 72.150,00 KM, za isplatu jednokratnih naknada za 486 nezaposlene porodilje.

12. Smještaj u ustanove socijalne zaštite - KAD 213

U Budžetu za 2018. godinu za ovu namjenu planirana su sredstva u iznosu od 4.604.000 KM.

Iz ovih sredstava finansiraju se troškovi smještaja, odnosno razlika do punog iznosa cijene smještaja u ustanovama socijalne zaštite za djecu i odrasla lica kojima je potrebna stalna briga i pomoć u zadovoljavanju životnih potreba, a ne mogu ih ostvariti u vlastitoj porodici ili drugoj porodici, kao što su: djeca bez roditeljskog staranja, djeca sa poremećajima u ponašanju, lica sa narušenim mentalnim i duševnim zdravljem, druga lica sa posebnim potrebama i stara lica bez porodičnog staranja.

U izvještajnom periodu januar - decembar 2018. godine, utrošena su sredstva u iznosu od 5.006.490,35 KM za troškove smještaja oko 541 štićenika u ustanovama socijalne zaštite.

13. Centar za djecu i odrasle osobe s posebnim potrebama Zeničko-dobojskog kantona - KAD 214

Budžetom za 2018. godinu planirana su sredstva u iznosu od 996.000 KM.

Ovim sredstvima finansiraju se usluge dnevnog zbrinjavanja djece i odraslih osoba s posebnim potrebama, te usluga ranog podsticanja razvoja i rane intervencije djece s posebnim potrebama predškolskog uzrasta sa područja Zeničko-dobojskog kantona.

U izvještajnom periodu januar - decembar 2018. godine utrošena su sredstva u iznosu od 1.096.000 KM za oko 301 korisnika usluga.

Na ovom transferu planirana sredstva za finansiranje usluga dnevnog zbrinjavanja djece i odraslih osoba s posebnim potrebama, te usluga ranog podsticanja razvoja i rane intervencije djece s posebnim potrebama predškolskog uzrasta sa područja Zeničko-dobojskog kantona uvećana su za 100.000 KM, sa 996.000 KM na 1.096.000 KM. Na osnovu Odluke Vlade broj: 02-14-18628/18 od 26.12.2018. godine i Zaključkom o izmjeni Programa utroška sredstava planiranih Budžetom Zeničko-dobojskog kantona za 2018. godinu broj: 02-14-18576/18 od 26.12.2018. godine. Istom Odlukom i Zaključkom su sredstva umanjena na poziciji Ostali socijalni transferi - KAD 207.

14. Stalna novčana pomoć - KAD 215

Budžetom za 2018. godinu su planirana sredstva u iznosu od 1.150.000 KM za finansiranje stalne novčane pomoći koju lica mogu ostvariti u skladu sa Kantonalnim zakonom. Za ovo pravo 60% sredstava se finansira iz Budžeta Kantona, a 40% iz Budžeta općina.

U izvještajnom periodu januar - decembar 2018. godine iz Budžeta Zeničko-dobojskog kantona za stalne novčane pomoći izdvojeno je 1.266.984,44 KM za 1.335 korisnika ovog prava.

15. Osposobljavanje za život i rad - KAD 216

Budžetom za 2018. godinu planirana su sredstva u iznosu od 116.000 KM. Finansiranjem ovog prava obezbjeđuje se rehabilitacija, obrazovanje i osposobljavanje za život slijepe i slabovidne djece, gluhe i gluhonijeme djece i djece ometene u psihofizičkom razvoju.

U izvještajnom periodu januar - decembar 2018. godine, utrošena su sredstva u iznosu od 111.166,43 KM za 28 korisnika.

16. Dodatak na djecu - KAD 217

Za isplatu dječijeg dodatka u Budžetu Zeničko-dobojskog kantona planirana su sredstva u iznosu 4.000.000 KM. Pravo na dječiji dodatak pripada porodici sa djecom koja se neposredno brine o djetetu ili djeci, u skladu i na način kako je to propisano u Kantonalnom zakonu.

U izvještajnom periodu januar - decembar 2018. godine za dječiji dodatak utrošena su sredstva u iznosu od 3.378.000,72 KM, za 9.491 korisnika, odnosno za 17.741 djece koja ostvaruju pravo na dječiji dodatak.

17. Jednokratna pomoć za opremu novorođenog djeteta – KAD 218

Budžetom su planirana sredstva u iznosu od 83.580 KM. Ovim sredstvima finansira se jednokratna pomoć za opremu novorođenog djeteta za majke porodilje koje nisu u radnom odnosu.

U izvještajnom periodu januar - decembar 2018. godine, za ovu namjenu utrošena su sredstva u iznosu od 53.020,95 KM, za 486 korisnica ovog prava.

18. Pomoć u prehrani djeteta do 6 mjeseci i dodatna ishrana za majke - dojilje - KAD 219

Budžetom za 2018. godinu planirana su sredstva u iznosu od 360.000 KM.

U izvještajnom periodu januar - decembar 2018. godine, za ovu namjenu utrošena su sredstva u iznosu od 236.048,40 KM, za 486 korisnica ovog prava.

19. Transfer za zapošljavanje - KAD 220

Budžetom za 2018. godinu planirana su sredstva u iznosu od 675.000 KM. Ova sredstva su namijenjena za realizaciju Programa sufinansiranja aktivnih mjera za podsticaj zapošljavanja mladih nezaposlenih osoba bez radnog iskustva – 100 VSS pripravnika, sufinansiranje programa zapošljavanja i samozapošljavanja nezaposlenih osoba SSS/KV i VKV, sufinansiranje projekata prekvalifikacije i dokvalifikacije i stručnog osposobljavanja, kao i za poticaje samozapošljavanju.

U izvještajnom periodu januar - decembar 2018. godine, sa ovog transfera utrošena su sredstva u iznosu od 181.344,27 KM, za Program sufinansiranja zapošljavanja VSS, SSS i KV mladih osoba bez radnog iskustva u 2016/2017. godini kao i za Program sufinansiranja zapošljavanja VSS, VŠS, SSS i KV mladih osoba bez radnog iskustva u 2018/2019. godini.

20. Poticaj zapošljavanja mladih – KAD 221

Budžetom za 2018. godinu planirana su sredstva u iznosu od 135.000 KM. Ova sredstva su namijenjena za sufinansiranje projekata zapošljavanja i samozapošljavanja sa drugim nivoima vlasti – poticaji zapošljavanja mladih.

U izvještajnom periodu januar - decembar 2018. godine sa ovog transfera utrošena su sredstva u iznosu od 105.000,00 KM i to za sufinansiranje realizacije projekata samozapošljavanja mladih u općinama Kakanj, Tešanj i Žepče kao i za sufinansiranje projekta „Jačanje sistema srednjeg stručnog obrazovanja u ZDK“.

21. Tekući transfer udruženjima - KAX 002

Budžetom za 2018. godinu planirana su sredstva u iznosu od 70.300 KM.

U izvještajnom periodu januar - decembar 2018. godine, na osnovu člana 32. Zakona o izvršavanju Budžeta Zeničko-dobojskog kantona za 2018. godinu (“Službene novine Zeničko-dobojskog kantona”, broj: 1/18) utrošak sredstava sa ovog transfera izvršen je nakon objavljivanja Javnog poziva. Utrošena su sredstva u iznosu od 70.300,00 KM.

22. Tekući transfer za Crveni križ

Budžetom za 2018. godinu na ovom podtransferu planirana su sredstva u iznosu od 10.000 KM, za provođenje programskih aktivnosti Crvenog križa Zeničko-dobojskog kantona.

U izvještajnom periodu utrošena su predviđena sredstva u iznosu od 10.000 KM.

J. W.
A

23. Tekući transfer iz prihoda za obilježavanje „Dječije nedjelje” – KAX 003

Budžetom za 2018. godinu planirana su sredstva u iznosu od 27.000 KM.

U izvještajnom periodu januar - decembar 2018. godine utrošena su sredstva u iznosu od 25.000,00 KM. Odlukom Vlade Zeničko-dobojskog kantona, broj: 02-14-14551/18 od 24.09.2018. godine, u svrhu realizacije aktivnosti utvrđenih Programom obilježavanja „Dječije nedjelje” u ZDK sredstva su odobrena JU Centar za djecu i odrasle osobe s posebnim potrebama Zeničko-dobojskog kantona za provođenje navedenog Programa.

.....

Utrošak sredstava na pozicijama za namjensku upotrebu „Tekući transferi pojedincima” – ekonomski kod 614200 i „Tekući transfer neprofitnim organizacijama” – ekonomski kod 614300, iznosi 27.659.528,34 KM, odnosno u procentu 101,35% u odnosu na ukupno planirana sredstva Budžetom za 2018. godinu na pomenutim pozicijama.

Navedena sredstva utrošena su za planirane namjene, a u skladu sa Programom utroška sredstava planiranih Budžetom Zeničko-dobojskog kantona za 2018. godinu u Ministarstvu za rad, socijalnu politiku i izbjeglice, broj: 02-14-3073/18 od 22.02.2018. godine i izmjenama Programa utroška sredstava, broj: 02-14-11047/18 od 05.07.2018. godine, broj: 02-14-14471/18 od 24.09.2018. godine, broj: 02-14-14611/18 od 26.09.2018. godine i broj: 02-14-18576/18 od 26.12.2018. godine.

S poštovanjem,



Zenica, mart 2019. godine